

Pendaratan ikan di Pulau Pinang bernilai RM53.5 juta

SH 1766/2024 Ms: 24

BAYAN LEPAS – Pendaratan ikan di kompleks dan jeti Lembaga Kemajuan Ikan Malaysia (LKIM) di seluruh negeri Pulau Pinang antara Januari sehingga Mei 2021 mencatat jumlah 15,776.74 tan metrik dengan nilai sebanyak RM53.5 juta.

Unit Komunikasi Korporat LKIM dalam kenyataan berkata, pendaratan ikan di Kompleks LKIM Batu Maung bagi tempoh yang sama ialah sebanyak 2,883.13 tan metrik dengan nilai RM20.5 juta.

“Bagi pendaratan ikan di seluruh Malaysia pula adalah 41,364.82 tan metrik dengan

nilai RM164 juta pada tempoh sama,” katanya dalam kenyataan pada Rabu.

Timbalan Menteri Pertanian dan Industri Makanan II, Datuk Che Abdullah Mat Nawi dalam satu tinjauan di Pelabuhan LKIM Batu Maung, Pulau Pinang pada Rabu bagi melihat aktiviti bekalan makanan, pendaratan ikan dan rantaian pemasaran ikan.

Menurut kenyataan itu, bekalan ikan mencukupi terutama di negeri Pulau Pinang.

Tambah kenyataan itu, Datuk Che Abdullah Mat Nawi turut melawat sekitar pelabuhan dan kompleks Lembaga Kemajuan

Ikan Malaysia (LKIM) selain meninjau aktiviti pendaratan ikan.

“LKIM sentiasa memainkan peranan penting dan berkesan sebagai agensi yang dipertanggungjawabkan untuk memperbaik kedudukan sosio-ekonomi nelayan.

“Kami memfokus pada peningkatan pendapatan dan kemajuan perusahaan perikanan negara dengan memastikan bekalan ikan mencukupi di seluruh negara terutama sewaktu pelaksanaan Perintah Kawalan Pergerakan (PKP),” tambah kenyataan terbabit.



Che Abdullah (kiri) meninjau bekalan ikan di sekitar Pelabuhan LKIM Batu Maung, Pulau Pinang pada Rabu.